

## OTSOA ETA IGARABA.

Otsoak ikusirik  
 igarabak urtan,  
 nola bereganatu  
 zuben arrai bat an,  
 egonik bera bazter  
 batean gordeta,  
 legorrera zanean  
 esan zion joanta,  
 etzeukala echean  
 ezer zer janikan,  
 eta arrai uraše  
 naizukeala jan;  
 eta arrantzalea  
 izuturik oso,  
 ikusitzeaz bere  
 buruba an preso,  
 segiran arraia ta  
 bera jan etzitzan,  
 esanzion: ez deike  
 ori jauna izan;  
 gaur da nere aiškide  
 on baten eguna,  
 eta nola baitetan  
 bizirola laguna,  
 lenaz aginduba det  
 arraia berari,  
 eta ezin paltatu  
 neioke gaur ari;  
 bestetik gauza piska  
 da au bedorrentzat,  
 eta naiko otordu

ederra arentzat;  
 bada emendik ezda  
 arkitzen urrian,  
 sare zar bat dagona  
 legortzen lurrian,  
 eta mutur batetik  
 artzen badu ura,  
 ni naiz bastearekin  
 sartuko putzura,  
 eta an biyok neke  
 aundirikan gabe,  
 egingo gera naiko  
 arraiaren jabe;  
 eta ala arturik  
 ontzat ark esana,  
 sarri billatu zuten  
 sare alde zana,  
 zeñen otsoak ari  
 firme el zeikion,  
 edo zarpatik itzul  
 egiñ etzeikion,  
 trabatu erain ere  
 baitzion lepotik,  
 eta prest zan denboran  
 jarri legorretik,  
 igarabak saltarik  
 oso ur aundira,  
 andikan zion gogor  
 sareari tira,  
 eta iraulpeturik  
 otsoa aurrera,

zilipurdika joana  
izan zan urera.

. . . . .

Gizonak du tranzetan  
egor bear ernai,

bere etsayak egiñ  
ez dakion zer nai:  
ala gaistoarekiñ  
badu zerbait tratu,  
aren itzik egitzat  
ez du bear artu.

## LEGOYA ETA ASTOA.

Uste gabeen alkar  
topoz jorik biyak,  
asto onari zion  
agindu legoyak,  
jo zezala tronpeta  
beldur gabe lasa,  
egin zezala oyu  
aundiko arranza,  
otsegin zekiola  
bere lagunari,  
ia jateko zerbait  
biltzen zion ari;  
eta ala tronpeta  
jorik segiruban,  
beriala bi asto  
aurkeztu ziran an,  
zeñak legoyak biyak  
itorik segiran,  
bat zuben gorde eta  
bestia berriz jan;  
eta aurrera ere  
tranposoa ala,  
bizitzen zan astokiz  
mantendutzen zala;

bañan bere astoa  
denboraz zan zartu,  
eta eziñ zubela  
asnasikan artu,  
gelditu zan tronpetik  
jotzen etzubela,  
bere auspo zarretan  
miñ artzen zubela;  
eta orduban legoi  
nagusi zubenak,  
non arinduko zizkan  
zeukazkien penak,  
zinzurretik sarturik  
bere letagiñak,  
atera zizkan auspo  
zarretako miñak.  
. . . . .  
Ez degu joan bearrik  
legoyarengana,  
au da gure artean  
maiz gertatzen dana;  
zartuta eziñ egiñ  
dan denboran lana,  
esker gaistoz iltzea  
langillea zana.

RAMON ARTOLA.